

विन्ध्येश्वरी चालीसा और आरती



विन्ध्येश्वरी चालीसा

॥ दोहा ॥

नमो नमो विन्ध्येश्वरी, नमो नमो जगदंब ।
संत जनों के काज में, करती नहीं बिलंब ॥

॥ चौपाई ॥

जय जय जय विन्ध्याचल रानी । आदि शक्ति जगबिदित भवानी ॥
सिंह वाहिनी जय जगमाता । जय जय जय त्रिभुवन सुखदाता ॥
कष्ट निवारिनि जय जग देवी । जय जय संत असुर सुरसेवी ॥
महिमा अमित अपार तुम्हारी । शेष सहस मुख बरनत हारी ॥
दीनन के दुःख हरत भवानी । नहीं देख्यो तुम सम कोउ दानी ॥
सब कर मनसा पुरवत माता । महिमा अमित जगत विख्याता ॥

जो जन ध्यान तुम्हारो लावे। सो तुरतहिं वांछित फल पावे ॥
तू ही वैस्रवी तू ही रुद्रानी। तू ही शारदा अरु ब्रह्मानी ॥
रमा राधिका स्यामा काली। तू ही मात संतन प्रतिपाली ॥
उमा माधवी चंडी ज्वाला। बेगि मोहि पर होहु दयाला ॥
तुम ही हिंगलाज महरानी। तुम ही शीतला अरु बिज्ञानी ॥
तुम्हीं लक्ष्मी जग सुख दाता। दुर्गा दुर्ग बिनासिनि माता ॥
तुम ही जाह्नवी अरु उन्नानी। हेमावती अंबे निरबानी ॥
अष्टभुजी बाराहिनि देवा। करत विष्णु शिव जाकर सेवा ॥
चौसट्टी देवी कल्याणी। गौरि मंगला सब गुन खानी ॥
पाटन मुंबा दंत कुमारी। भद्रकाली सुन विनय हमारी ॥
बज्रधारिनी सोक नासिनी। आयु रच्छिनी विन्ध्यवासिनी ॥
जया और विजया बैताली। मातु संकटी अरु बिकराली ॥

नाम अनंत तुम्हार भवानी। बरनै किमि मानुष अज्ञानी ॥
जापर कृपा मातु तव होई। तो वह करै चहै मन जोई ॥
कृपा करहु मोपर महारानी। सिध करिये अब यह मम बानी ॥
जो नर धरै मातु कर ध्याना। ताकर सदा होय कल्याणा ॥
बिपत्ति ताहि सपनेहु नहि आवै। जो देवी का जाप करावै ॥
जो नर कहे रिन होय अपारा। सो नर पाठ करे सतबारा ॥
निःचय रिनमोचन होई जाई। जो नर पाठ करे मन लाई ॥
अस्तुति जो नर पढै पढावै। या जग में सो बहु सुख पावै ॥
जाको ब्याधि सतावै भाई। जाप करत सब दूर पराई ॥
जो नर अति बंदी महँ होई। बार हजार पाठ कर सोई ॥
निःचय बंदी ते छुटि जाई। सत्य वचन मम मानहु भाई ॥
जापर जो कुछ संकट होई। निःचय देबिहि सुमिरै सोई ॥

जा कहँ पुत्र होय नहि भाई । सो नर या विधि करै उपाई ॥
पाँच बरस सो पाठ करावै । नौरातर महँ बिप्र जिमावै ॥
निःचय होहि प्रसन्न भवानी । पुत्र देहि ताकहँ गुन खानी ॥
ध्वजा नारियल आन चढावै । विधि समेत पूजन करवावै ॥
नित प्रति पाठ करै मन लाई । प्रेम सहित नहि आन उपाई ॥
यह श्री विन्ध्याचल चालीसा । रंक पढत होवै अवनीसा ॥
यह जनि अचरज मानहु भाई । कृपा दृष्टि जापर ह्वै जाई ॥
जय जय जय जग मातु भवानी । कृपा करहु मोहि पर जन जानी ॥

॥ इति श्री विन्ध्येश्वरी चालीसा समाप्त ॥

विन्ध्येश्वरी आरती

सुन मेरी देवी पर्वत वासिनी तेरा पार न पाया ॥
पान सुपारी ध्वजा नारियल ले तरी भेंट चढ़ाया । सुन ।
सुवा चोली तेरे अंग विराजे केसर तिलक लगाया । सुन ।
नंगे पग अकबर आया सोने का छत्र चढ़ाया । सुन ।
उँचे उँचे पर्वत भयो दिवालो नीचे शहर बसाया । सुन ।
कलियुग द्वापर त्रेता मध्ये कलियुग राज सबाया । सुन ।
धूप दीप नैवेद्य आरती मोहन भोग लगाया । सुन ।
ध्यानू भगत मैया तेरे गुण गावैं मनवांछित फल पाया । सुन ।



Hi! We're InstaPDF. A dedicated portal where one can download any kind of PDF files for free, **with just a single click.**

<https://instapdf.in>

READ DISCLAIMER